

SEDMIČNI PREGLED AKTIVNOSTI SUDA BIH

Odjel I, II i III

(22. – 26. jula 2024.)

- Sud je 19.7.2024. u predmetu **Radovan Damjanović (S1 2 K 047599 24 K)**, u postupku redovne kontrole opravdanosti trajanja mjere pritvora, donio rješenje kojim je utvrđeno da i dalje postoje okolnosti koje ukazuju na opravdanost trajanja mjere pritvora prema optuženom **Radovanu Damjanoviću** iz zakonskih razloga predviđenih članom 132. stav 1. tačka a) ZKPBiH, odnosno zbog opasnosti od bjekstva. Pritvor po ovom rješenju može trajati najkasnije do **19.9.2024. godine**.
- Sud je 19.7.2024. u predmetu **Mirza Kapić (S1 2 K 046188 24 K)**, u postupku redovne kontrole opravdanosti trajanja mjere pritvora, van ročišta donio rješenje kojim je utvrđeno da i dalje postoje okolnosti koje ukazuju na opravdanost trajanja mjere pritvora prema optuženom **Mirzi Kapiću** iz zakonskih razloga predviđenih članom 132. stav 1. tačka c) ZKPBiH, odnosno bojazni da će optuženi boravkom na slobodi ponoviti ili dovršiti već pokušano krivično djelo. Pritvor po ovom rješenju može trajati najkasnije **do 19.9.2024. godine**.
- Sud je 19.7.2024. u predmetu **Branko Petrović (S1 3 K 048580 24 Eks 2)**, u postupku izručenja potraživanog **Branka Petrovića**, po međunarodnoj potjernici NCB Interpol-a Beč, odnosno potjernici NCB Interpol-a Sarajevo, raspisanoj u cilju krivičnog gonjenja zbog sumnje da je počinio krivično djelo neovlašteni promet opojnim drogama i okviru zločinačkog udruženja iz člana 28. Zakona o narkoticima Republike Austrije, a nakon održanog ročišta, donio rješenje kojim je potraživanom ukinut privremeni i istovremeno **određen ekstradicioni pritvor**, a zbog opasnosti da bi boravkom na slobodi mogao izbjeći postupak izručenja ili provođenja izručenja.
- Sud je 19.7.2024. donio rješenje u predmetu **Zlatko Ibrišimović i dr. (S1 2 K 044235 22 Krn)** kojim je optuženima **Adnanu Smajloviću, Sančezu Jukiću i Aidi Halać produžen pritvor** određen ranijim rješenjem ovog Suda tako da isti po ovom rješenju može trajati **(3) tri mjeseca** odnosno do 19.10.2024. godine ili do nove odluke Suda, iz razloga propisanih odredbom člana 132. stav 1. tačka a) i b) ZKPBiH.

- Sud je 20.7.2024. u predmetu **Davor Ninković (S1 2 K 041536 24 Kv 4)**, nakon provedenog postupka izručenja optuženog **Davora Ninkovića** iz SR Njemačke u BiH, **donio rješenje** kojim se stavlja van snage rješenje Suda Bosne i Hercegovine od 02.11.2021. godine, za određivanje pritvora prema optuženom Davoru Ninkoviću, te je prema optuženom **Davoru Ninkoviću određen pritvor**, koji po ovom rješenju može trajati najduže 30 dana od dana lišenja slobode optuženog, **odnosno do 18.08.2024. godine**, ili do drugačije odluke Suda.
- Sud je 21.7.2024. u predmetu **Zoran Miletić (S1 3 K 048622 24 Eks)**, u postupku izručenja potraživanog **Zorana Miletića** po međunarodnoj potjernici NCB Interpol Beograd, odnosno potjernici NCB Interpol-a Sarajevo, raspisanoj u cilju izvršenja pravosnažno izrečene kazne zatvora u R. Srbiji, zbog krivičnog djela nezakonita proizvodnja i stavljanje u promet opojne droge iz člana 246. stav 4. u vezi sa stavom 1. Krivičnog zakona Srbije, a nakon održanog ročišta, donio **rješenje** kojim je potraživanom **određen privremeni pritvor**, koji po ovom rješenju može trajati najduže **18 (osamnaest) dana** od dana lišenja slobode, odnosno **do 05.08.2024. godine** ili do nove odluke Suda.

PONEDJELJAK, 22. jula 2024. godine

- Sud je 22.7.2024. nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije donio i javno objavio prvostepenu presudu u predmetu **Igor Milutinović (S1 2K 048309 24)**, kojom je optuženi **Igor Milutinović oglašen krivim** što je radnjama opisanim u izreci presude počinio krivično djelo nedozvoljeni promet akciznih proizvoda iz člana 210a) KZBiH, u vezi s članovima 29. i 26. istog Zakona.

Sud je optuženom izrekao uslovnu osudu kojom se utvrđuje **kazna zatvora u trajanju od 1 (jedne) godine** i istovremeno odredio da se ova kazna neće izvršiti ako optuženi u roku **od 2 (dvije) godine** od dana pravosnažnosti presude ne počinio novo krivično djelo. Kao sporednu, Sud je optuženom izrekao **novčanu kaznu** u iznosu **1.000,00 KM**, koju kaznu je optuženi dužan platiti u roku od 3 (tri) mjeseca od dana pravosnažnosti presude.

Optuženi je oglašen krivim što je nezakonito stavio u promet proizvode - cigarete, koje nisu bili obilježene kontrolnim i poreznim markicama na način propisan poreznim zakonodavstvom Bosne i Hercegovine, i dalje

prometovao robu njemu poznatim kupcima u BiH, čime je počinio navedeno krivično djelo.

PREDMET	SUDIJA/VIJEĆE	ROČIŠTE
Odjel II Milutinović Igor S1 2 K 048309 24 Ko	<i>Stupar Braco</i>	Ročište za razmatranje sporazuma o priznanju krivnje
Odjel I Dudaković Atif i dr. S1 1 K 030713 19 Kri	<i>Marenić Željka Kreho Minka Curović Tanja</i>	Saslušanje dva svjedoka po prijedlogu Tužilaštva
Odjel II Štrbac Milovan S1 2 K 047213 24 Ko	<i>Vukajlović Dragan</i>	Izjašnjenje o krivnji
Odjel II Kulina Dragan S1 2 K 036795 24 K	<i>Janjić Miroslav Đozo Mirza Uzunović Sena</i>	Statusna konferencija

UTORAK, 23. jula 2024. godine

PREDMET	SUDIJA/VIJEĆE	ROČIŠTE
Odjel II Čikarić Bahrija S1 2 K 046775 23 K	<i>Janjić Miroslav</i>	Iznošenje završne riječi Tužilaštva
Odjel I Buljubašić Ferid i dr. S1 1 K 018498 23 Kri	<i>Čosić Dedović Jasmina Jesenković Vesna Popović Miroslav</i>	Saslušanje jednog svjedoka po prijedlogu Tužilaštva
Odjel I Radović Vinko i dr. S1 1 K 047153 24 Kri	<i>Maksumić Šaban Božić Zoran Jesenković Vesna</i>	Saslušanje dva svjedoka po prijedlogu Tužilaštva
Odjel III Vidović Vasvija S1 3 K 047098 24 K	<i>Janjić Miroslav</i>	Nastavak glavnog pretresa saslušanje dva svjedoka po prijedlogu Tužilaštva

- Sud je 24.07.2024 u predmetu **Želko Primorac i dr. (S1 2 K 041544 23)** donio i javno objavio presudu kojom su optuženi **Željko Primorac i Mario Andrijanić oslobođeni od optužbe**, jer nije dokazano da su radnjama opisanim u optužnici počinili krivično djelo udruživanje radi činjenja krivičnih djela iz člana 249. stav 2. KZ BiH u vezi sa krivičnim djelima krivotvorenje znakova za obilježavanje robe, mjera i tegova iz člana 208. stav 1. KZBiH i nedopuštena trgovina iz člana 212. KZBiH i krivična djela krivotvorenje znakova za obilježavanje robe, mjera i tegova iz člana 208. stav 1. KZBiH i nedopuštena trgovina iz člana 212. KZBiH, a sve u vezi sa članom 53. KZBiH.
- Sud je 24.7.2024. u predmetu **Saša Ratković i dr. (S1 2 K 044836 23 K)**, u postupku redovne kontrole opravdanosti trajanja mjere pritvora prema optuženom **Milanu Matkoviću**, van ročišta, donio rješenje kojim je utvrđeno da i dalje postoje okolnosti koje ukazuju na opravdanost trajanja mjere pritvora prema optuženom **Milanu Matkoviću**, iz zakonskih razloga predviđenih članom 132. stav 1. tačka a) i c) ZKPBiH. Pritvor po ovom rješenju može trajati naredna **dva (2) mjeseca**.
- Sud je 24.7.2024. nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije donio i javno objavio prvostepenu presudu u predmetu **Stefan Mariano Tovilović Kalamanda i Okorn Art (S1 3 K 047923 24 Kps)**, kojom su optuženi Stefan Marian Tovilović Kalamanda i Okorn Art oglašeni krivima što su radnjama opisanima u izreci presude počinili produženo krivično djelo krivotvorenje novca iz člana 205. stav 1. Krivičnog zakona Bosne i Hercegovine, u vezi sa članom 54. istog Zakona, a sve u vezi sa članom 29. istog Zakona. Sud je optuženima izrekao kaznu zatvora u trajanju od po 1 (jedne) godine.

Sud je 24.7.2024, takođe u predmetu Stefan Mariano Tovilović Kalamanda i dr. (S1 3 K 047923 24 Kps), donio rješenje kojim je prema optuženima Stefanu Marianu Toviloviću Kalamandi i Okornu Artu produžen pritvor određen i produžen ranijim rješenjima ovog Suda. Pritvor po ovom rješenju može trajati do upućivanja optuženih na izdržavanje kazne zatvora, a najduže 9 (devet) mjeseci od dana izricanja prvostepene presude, s tim da pritvor ne može trajati duže od izrečene kazne zatvora. Optuženi se terete za počinjenje krivičnog djela krivotvorenje novca iz člana 205. stav 1. KZBiH, u vezi sa članom 54. i članom 29. istog Zakona.

PREDMET	SUDIJA/VIJEĆE	ROČIŠTE
Odjel II Primorac Željko i dr. S1 2 K 045144 23 K	Đozo Mirza Uzunović Sena Janjić Miroslav	Objava presude
Odjel I Kadrić Zijad i dr. S1 1 K 044290 23 Kri	Stupar Braco Jukić Davorin Konjić Dragović Lejla	Čitanje iskaza dva preminula svjedoka i ulaganje materijalnih dokaza
Odjel II Kalinić Zoran i dr. S1 2 K 048514 24 Ko	Jukić Davorin	Ročište povodom prijedloga Tužilaštva za određivanje i produživanje mjera zabrane
Odjel II Peulić Boško i dr. S1 1 K 045883 23 Kri	Maksumić Šaban Jesenković Vesna Božić Zoran	Saslušanje jednog svjedoka po prijedlogu Tužilaštva
Odjel III Kalamanda Tovilović Stefan Mariano i dr. S1 3 K 047923 24 Kps	Curović Tanja	Ročište povodom razmatranja sporazuma o priznanju krivnje
ČETVRTAK, 25. jula 2024. godine		

- Vijeće Apelacionog odjeljenja Suda Bosne i Hercegovine je otpremilo drugostepenu presudu u predmetu **Ranko Balaban i dr. (S1 1 K 018693 24 Krž 12)**, kojom su **kao neosnovane odbijene** žalbe Tužilaštva Bosne i Hercegovine i branilaca optuženih **Ranka Balabana, Rajka Karlice, Milenka Brčina, Mirka Odžića, Ratka Goronje, Nikole Reljića, Dragana Baltića, Ranka Baltića, Miroslava Kapetanovića**, kao i žalba supruge optuženog **Ranka Balabana**, te je prvostepena presuda Suda Bosne i Hercegovine od 22.11.2023. godine **potvrđena**.

Prvostepenom presudom od 22.11.2023. optuženi **Ranko Balaban, Rajko Karlica, Milenko Brčin, Mirko Odžić, Milenko Babić, Ratko Goronja, Nikola Reljić, Dragan Baltić, Ranko Baltić i Miroslav Kapetanović** **oglašeni su krivima** za počinjenje krivičnog djela zločini protiv čovječnosti iz člana 172. stav 1. tačka h) u vezi s tačkama a), d) i k) u vezi s članom 29. Krivičnog zakona Bosne i Hercegovine (KZ BiH), a sve u vezi s članom 180. stav 1. KZBiH, te im je Sud izrekao kazne kako slijedi:

- Optuženima **Ranku Balabanu, Mirku Odžiću, Ratku Goronji, Nikoli Reljiću, Draganu Baltiću i Ranku Baltiću**, kazne zatvora u trajanju od po **18 (osamnaest) godina**;
- Optuženima **Rajku Karlici, Milenku Brčini i Milenku Babiću**, kazne zatvora u trajanju od po **15 (petnaest) godina**;
- Optuženom **Miroslavu Kapetanoviću**, kaznu zatvora u trajanju od **devet (9) godina**.

Optuženima je u izrečene kazne uračunato vrijeme koje su proveli u pritvoru po rješenjima ovog Suda.

Prvostepenom presudom optuženi su oglašeni krivima što su u periodu od početka maja 1992. godine pa najmanje do septembra 1992. godine, u okviru širokog i sistematičnog napada formacija srpskih snaga Srpske Republike Bosne i Hercegovine, kasnije Vojske Republike Srpske, na civilno nesrpsko stanovništvo na području općine Bosanski Novi, kao pripadnici srpskih oružanih snaga, znajući za takav napad i da njihove radnje čine dio tog napada, učestvovali u progonu civilnog nesrpskog stanovništva općine Bosanski Novi na etničkoj i vjerskoj osnovi, i to: ubistvima, prisilnim preseljenjem stanovništva, mučenjem i drugim nečovječnim djelima slične prirode učinjene u namjeri nanošenja velike patnje. **Protiv drugostepene presude žalba nije dozvoljena.**

- Sud Bosne i Hercegovine je 9.7.2024. potvrdio optužnicu u **predmetu Edin Podgora (S1 2 K 047975 24 Ko)**, koja optuženog **Edina Podgoru** tereti da je radnjama opisanim u optužnici počinio krivično djelo terorizam iz člana 201. stav 1. u vezi sa stavom 5. tačka i), u vezi tačaka a) i b) KZBiH.

Optuženi se tereti da je 18.4.2024. godine u cilju ozbiljnog zastrašivanja stanovništva i ozbiljne destabilizacije osnovnih ustavnih i društvenih struktura BiH putem društvene mreže emitirao video-snimak, u trajanju od nekoliko minuta, u kojem je uz korištenje vatrenog i hladnog oružja počinio teroristički čin prijetnjom da će izvršiti napad na život osoba koji može prouzrokovati njihovu smrt i napad na fizički integritet osoba.

- Sud je 25.7.2024. donio i javno objavio presudu u predmetu **Samir Nukić (S1 2 K 047564 24 K)** kojom je optuženi **Samir Nurkić oglašen krivim** zbog počinjenja krivičnog djela izazivanje nacionalne, rasne i vjerske mržnje, razdora i netrpeljivosti iz člana 145a. stav 1. KZBiH. Sud je optuženom

izrekao **uslovnu osudu kojom se utvrđuje kazna zatvora u trajanju od od 3 (tri) mjeseca** i istovremeno odredio da se ova kazna neće izvršiti ako optuženi u roku od 3 (tri) godine od dana pravosnažnosti ove presude ne počini novo krivično djelo.

Optuženi je oglašen krivim što je što je 14.07.2023. godine povodom obilježavanja godišnjice stradanja osmero djece u Vitezu 1993.godine, svjestan da svojim komentarima i objavama javno izaziva nacionalnu mržnju i netrpeljivost među konstitutivnim narodima u BiH, na javnom prostoru - društvenoj mreži objavio sadržaj kojim je izazvao uznemirenje u javnosti kojoj je sporni govor mržnje bio dostupan na javnoj društvenoj mreži Facebook, kao i drugim javnim prostorima koji su mnogi mediji i objavili u BiH, pristajući na takvu posljedicu.

- Sud je 25.7.2024. u predmetu **Bajro Dudić (S1 3 K 048427 24 Eks 3)**, u postupku izručenja potraživanog **Bajre Dudića** po molbi za izručenje Ministarstva pravde Mađarske, u cilju vođenja krivičnog postupka pred nadležnim pravosudnim organom Mađarske zbog sumnje da je počinio krivično djelo Zloupotreba vatrenog oružja izvršena uvozom na teritoriju zemlje bez dozvole za vatreno oružje iz člana 325. stav 1. tačka d) Zakona broj C iz 2012. godine o Krivičnom zakoniku Mađarske, odlučujući o prijedlogu Tužilaštva Bosne i Hercegovine za određivanje ekstradicionog pritvora prema potraživanom, donio rješenje kojim je potraživanom **ukinut privremeni i istovremeno određen ekstradicioni pritvor**, zbog opasnosti da bi boravkom na slobodi mogao izbjeći postupak izručenja ili provođenja izručenja, u smislu člana 39. stav 1. tačka a) Zakona o međunarodnoj pravnoj pomoći u krivičnim stvarima.

Pritvor po ovom rješenju može trajati do izvršenja odluke o izručenju ili do nove odluke ovog Suda, a najduže **šest (6) mjeseci** računajući od dana pritvaranja, odnosno do **21.12.2024. godine**.

PREDMET	SUDIJA/VIJEĆE	ROČIŠTE
Odjel II Nukić Samir S1 2 K 047564 24 K	Ćuković Biljana	Izricanje presude
Odjel I Obradović Dragomir i dr. S1 1 K 036865 21 Kri	Hadžiomerović Enida Samardžić Darko Ćosić Dedović Jasmina	Saslušanje tri svjedoka po prijedlogu Tužilaštva

Odjel I Muratović Mujo i dr. S1 1 K 039396 21 Kr	<i>Jesenković Vesna</i> <i>Božić Zoran</i> <i>Maksumić Šaban</i>	Saslušanje dva svjedoka po prijedlogu Tužilaštva
Odjel I Ristić Lazar i dr. S1 1 K 047173 24 Kri	<i>Konjić Dragović Lejla</i> <i>Jukić Davorin</i> <i>Stupar Braco</i>	Saslušanje dva svjedoka po prijedlogu Tužilaštva
Odjel I Majstorović Živojin i dr. S1 1 K 028947 24 Kri	<i>Hadžiomerović Enida</i> <i>Vukajlović Dragan</i> <i>Popović Miroslav</i>	Saslušanje dva svjedoka po prijedlogu Tužilaštva
Odjel III Dudić Bajro S1 3 K 048427 24 Eks	<i>Tankić Izo</i>	Ekstradicioni postupak
Odjel III Kurbegović Haris S1 3 K 048676 24 Kpp	<i>Tatjana Kosović</i>	Ročište povodom izjašnjenja Tužilaštva i odbrane na privremeno lišenje slobode i izručenje u R. Srbiju

PETAK, 26. jula 2024. godine

PREDMET	SUDIJA/VIJEĆE	ROČIŠTE
Odjel I Gligorević Borislav S1 1 K 045790 23 Kri	<i>Jukić Davorin</i> <i>Konjić Dragović Lejla</i> <i>Stupar Braco</i>	Saslušanje jednog svjedoka obrane optuženog Borislava Gligorevića
Odjel I Vujović Ratko i dr. S1 1 K 044977 24 Kri	<i>Vukajlović Dragan</i> <i>Hadžiomerović Enida</i> <i>Popović Miroslav</i>	Saslušanje dva svjedoka po prijedlogu Tužilaštva
Odjel II Vrabac Mustafa S1 2 K 044784 24 K	<i>Ćosić Dedović Jasmina</i>	Iznošenje završne riječi Tužilaštva BiH
Odjel III Dudić Ibro S1 3 K 048429 24 Eks	<i>Đozo Mirza</i>	Ekstradicioni postupak
Odjel III Bureić Armin S1 3 K 046133 24 Kps	<i>Popović Miroslav</i>	Ročište za izjašnjenje o krivnji optuženog

Odjel III Jovanović Luka S1 3 K 048674 24 Eks	<i>Tatjana Kosović</i>	Ekstradicioni postupak
NAJAVE ZA NAREDNU SEMMICU: nema najava		

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	11	22
Organizirani kriminal	0	0
Opći kriminal	0	0

Broj održanih ročišta u sudnicama 3-9	27
Broj zahtjeva za izdavanje AV materijala (Odjeljenje za informiranje javnosti)	4

**Želite li biti uključeni na popis primatelja najnovijih obavijesti Suda BiH
ili izbrisani s njega, molimo vas da pošaljete e-mail na:
pios@sudbih.gov.ba**